



REPUBLIKA E SHQIPËRISË  
PREFEKTI QARKUT DURRËS

**ANALIZA E PUNËS PËR SEKTORIN E FINANCËS E SHËRBIMEVE MBËSHTETËSE**

**PËR VITIN 2021**

Sektori i Financës dhe Shërbimeve Mbështetëse, pranë Prefektit të Qarkut Durrës, gjatë vitit 2021 e ka mbështetur punën e saj në zbatim të ligjshmërisë dhe objektivave të shtruara për realizimin e tyre në të gjithë veprimtarinë e këtij sektori, në zbatim të ligjit “Për Prefektin e Qarkut”, të ligjit “Për menaxhimin e sistemit buxhetor në Republikën e Shqipërisë” si dhe ligjeve e udhëzimeve specifike në fushën e financës.

Për periudhën Janar- Dhjetor 2021, megjithëse ishte një periudhë e vështirë pas Covid -19 dhe me mungës personeli, Sektori i Financës dhe Shërbimeve Mbështetëse në bashkëpunim dhe me sektorët e tjerë të Prefektit të Qarkut Durrës, në zbatim të planit vjetor të punës të hartuar më parë, bëri të mundur realizimin e objektivave si më poshtë:

**I.** Brenda muajit Janar 2021, u detajua buxheti i ri për vitin 2021 për administratën e Prefektit dhe Gjendjen Civile i cili u dërgua brenda afatit në Ministrinë e Brendshme e Degën e Thesarit. Po kështu u hartua Rregjistri i realizimit të Prokurimit Publik për vitin 2020 si dhe u hartua e miratua Rregjistri i parashikimit të Prokurimit Publik për vitin 2021 të cilët u dërguan brenda afatit në Ministrinë e Brendshme dhe Degën e Thesarit.

**II.** Në zbatim të Urdhërit nr.4 prot datë 06.01.2021 të Prefektit të Qarkut Durrës është përcaktuar struktura e administratës së Prefektit me 28 punonjës, (bashkë me 2 punonjës të gjendjes civile) sipas pozicioneve të punës dhe me emrat e punonjësve. Gjatë gjithë kësaj periudhe kanë qenë në marrëdhënie pune 25 punonjës, për të cilët janë kryer në afat hartimi i listpagesave, përlllogaritja e kontributeve të sigurimeve shoqërore e shëndetsore dhe tatimit mbi të ardhurat personale, përpilimi i urdhër shpenzimeve si dhe ndjekja e pagesave në Thesar dhe Bankë. Mbeten dhe katër vende vakant; 1 specialist finance në Sektorin e Financës dhe Shërbimeve Mbështetëse, 2 specialist në Sektorin Juridik dhe Sekretari i Përgjithshëm.

**III.** Gjatë vitit 2021, Sektori i Financës dhe Shërbimeve Mbështetëse, ka ndjekur përdorimin dhe administrimin e fondeve të vëna në dispozicion për aparatin e Prefekturë dhe atë të Gjendjes Civile. Kemi raportuar çdo muaj, evidencat e realizimit të treguesve buxhetorë në Ministrinë e Brendshme dhe në Degën e Thesarit.

Në mënyrë analitike realizimi i fondeve buxhetore është si më poshtë:

Shpenzime buxhetore në total, janë realizuar në masën 91 %%. Konkretisht nga 31.625 mijë lekë të planifikuara në fakt janë shpenzuar 28.736 mijë lekë, pra më pak 2.889 mijë lekë.

1-Pagat e personelit (artikulli 600) janë realizuar në masën 94 %. Konkretisht nga 21.335 mijë lekë të planifikuara në fakt janë shpenzuar 20.113 mijë lekë, pra më pak 1.221 mijë lekë. Ky kursim ka ardhë si pasojë e vendeve të pa plotësuara në organikë.

2-Kontributi për sigurime shoqërore dhe shëndetësore (artikulli 601) është realizuar në masën 91%. Konkretisht nga 3.668 mijë lekë të planifikuara në fakt janë shpenzuar 3.329, pra më pak 338 mijë lekë, kursim ky që lidhet me kursimin e fondit të pagës.

3-Shpenzimet për mallra dhe shërbime të tjera (artikulli 602) janë realizuar në masën 79.5%. Konkretisht nga 6.479 mijë lekë të planifikuara në fakt janë shpenzuar 5.150 mijë lekë, pra më pak 1.329 mijë lekë. Ky mos shpenzim në shumën prej 600 mijë lekë ka ardhë si rezultat i mos realizimit të procedurave të prokurimit për riparimin dhe mirëmbajtjen e banjove të Institucionit, si dhe kursimi në shumën prej 393 mijë lekë nga konkurenca e bërë nga zhvillimi i procedurave të prokurimit si dhe në shumën prej 336 mijë lekë nga kursimi i shpenzimeve si shërbime nga të tretët, shpenzime udhëtimi dhe të tjera operative.

Duke i analizuar shpenzimet operative sipas strukturës ato paraqiten si më poshtë:

- Materiale zyre dhe të përgjithshme, (kancelari, materiale pastrim e dezinfektimi, materiale për funksionimin e pajisjeve të zyrës, furnizime e materiale të tjera zyre), janë realizuar 78% ;
- Shërbimet nga të tretët (telefona, energji, ujë, shërbim postar, ruajtje fizike e godinës, faqja zyrtare, shërbim interneti dhe shërbime të tjera ), janë realizuar 90%;
- Shërbimet e transportit (naftë, pjesë këmbimi), janë realizuar 94.5%;
- Shpenzime udhëtimi janë realizuar 44% ;
- Shpenzime për mirëmbajtje të zakonshme janë realizuar 34%;
- 4-Të tjera transfera tek individët (artikulli 606) janë realizuar në masën 100%.

IV. Është bërë ndjekja e realizimit të të Ardhurave për periudhën Janar- Dhjetor 2021 të cilat raportohen periodikisht në Ministri dhe janë të konfirmuara nga Dega e Thesarit Durrës. Për këtë periudhë të ardhurat janë realizuar në total 515.000 lekë, nga të cilat 25.750 lekë, të ardhurat për Ministrin e Brendshme dhe 489.250 lekë, të ardhurat për Buxhetin e Shtetit.

V. Gjatë këtij viti së bashku me komisionet përkatëse (komisioni i testimit, prokurimit dhe ai i marrjes në dorëzim), janë realizuar 12 procedura prokurimi me vlerë të vogël, nga 13 të planifikuara. Nga procedurat e përcaktuara janë riparimi dhe mirëmbajtja e banjove të Institucionit. Gjithashtu është dërguar në APP rregjistri i realizimit të procedurave të prokurimit publik për çdo katër muaj si dhe ai vitit 2020.

VI. Është realizuar mbajtja e sistemit të kontabilitetit të vlerave monetare dhe materiale, lëvizjen e aktiveve, raportim për vendimmarrjen në funksion të realizimit të objektivave, përgatitja e pasqyrave financiare të institucionit dhe depozitimi në degën e thesarit dhe Ministrinë e Brendshme.

VII. Është kryer menaxhimi dhe administrimi i faqes zyrtare të Prefekturës. Janë realizuar në total 113 aktivitete dhe takime të ndryshme, të cilat janë publikuar si në faqen zyrtare dhe në rrjetet sociale.

VIII. Përpunimi dhe shpërndarja e korrespondencës, nisja brenda afateve kohore të të gjithë dokumentacionit që del nga institucioni si dhe përgatitje dhe dërgimi i evidencave statistikore tre mujore Zyrës Rajonale të Statistikës Durrës.

Disa probleme që kanë dalë gjatë vitit, ku një pjesë e të cilave janë realizuar, në funksion të realizimit të detyrave si dhe për një funksionim më të mirë e më efikas të punës në Sektori i Financës dhe Shërbimeve Mbështetëse si dhe në atë të administratës së Prefektit.

-Në drejtim të krijimit të kushteve më të mira në ambientet e zyrave të Prefekturës, si pasojë tërmetit të nëntorit të vitit 2019 janë të dëmtuara dhe amortizuara tualetet e Institucionit për të cilat janë kërkuar fonde për investime për rikonstruksionin e tyre në buxhetet e viteve 2020 dhe 2021 si dhe për 2022 nuk janë akorduar, mendojmë që ky problem do të realizohet me fondet e vetë institucionit të planifikuara për vitin 2022.

**Përgjegjësi i Sektorit të Financës e Shërbimeve Mbështetëse**

**VESELI RUSTANI**